

## LIBERTADE ARGIA

Kartzela ematen du  
munduak tajuran:  
arregandik aruntza  
ez baita iñor juan.

Ala ere, lortu nai  
zoriontasuna,  
suntzikor izanarren  
gure nortasuna.

Elburu bat landuaz  
geran bitartean,  
biotzeko beroa  
badugu barnean.

Zorionaren billa,  
gogoa odolez,  
gizarte nekatua  
dijoa dolorez.

Libertadea ain da  
sari garestia,  
maiz eraman izan du  
loran gaztedia.

Nekeza da bizitza  
etsaien menpean,  
diranean usteak  
loturik katean.

Txarra indarrez dabil  
okerraren billa,  
aritz sortu nairik  
betiko naspilla.

Prometeo ezta libre  
baizik katigurik;  
gizonen argigarr:a  
eztago pizturik.

Oian itzal onetan  
eztago, ez, surik;  
sortu bearra dugu  
gerok zauriturik.

Etorkizun onari  
ez diot nai etsi:  
Libertade argia  
badala zinetsi.

*Otsalar*